


تاریخ وادستان

۱۳۳۶ هـ



بىكون بىلنير قىمتى مجموعه مك اما
پك چوق آرا لير اورته ده مجموعه بولنيز

ايتدك شرف خدمت اجدادى وراموش
آثارنه اسلافرك رغبت اولنيز

باب عالی بی انظار امته فارشی پرتو تستو ایدرک ۲۱ نومرولی مجموعه مله
لازمکلان ایضاحاتی اعطا وایضاح ایتمش ایدم . ینه برنتیجه حاصل
اولمامسنه بناء ۲۲ نجی نومرولو مجموعه مدده دها واضح ودلخراش
ایضاحاتده بولنمش ایسه مدده ینه آدیران اولمامش ایدی . ایشک ارقه سنی
براقیوب ۲۳ نجی نسخه ده ینه تذبذب اوقافه دائر ایضاحاته دوام ایتمش
وبونلرک هیچ بریسنک برنتیجه حاصل ایتماسی اوزربنه بومؤسف
احوالدن بحث ایدرک بوکره مجلس مبعوثانه مراجعت ایلدم وبوبابده کی
تفصیلاتی ده ۲۴ نجی نسخه ده یازمش ایدم . حمیت وطن نامنه بوقدر
مراجعتر و فریاد واینلر اجرا ایتدیکم حالده هیچ برنتیجه عمرانکارانه
ظهور ایتماسنک اسباب وحکمتی آکلاشلق اوزره صورت محاکمه نک
وآندن صکره ده عینله بوجاللرک من القديم مفسری دیمک اولان
منظومه لرک تحریری مناسب کوردم .

علمدار غزته سندن عیناً نقل اولان عبرت نما صورت محاکمه :

شایان دقت بر محاکمه

سابق ناظر لرله عدلیه مستشارینک محاکمه سی

اولکی کون در سعادت بدایت ایکنجی جزا محکمه - بنده عدلیه
مستشاری سعید ملا بک افندی طرفدن سابق بحریه ناظری قره سعید
پاشا ایله مالیه ناظر سابق رشاد بک علیه اقامه اولان ذم وقدر
دعواسی رؤیت اولمندر .

مدعی شخصی موقعنده سعید ملا بک حاضر بوندقنری کی
مظنون موقعنده قره سعید پاشا ایله رشاد بک حاضر بولنیوردی .
سعید ملا بک بالذات حقوقی مدافعه ایلوب مظنونلرک مدافعه سنی
سعدالدین فرید بک در عهده ایشیدی . هیئت حاکمه ایکنجی جزا
رئیس عزیز بکه اعضادن برهان واعضا ملازمی و عی بکلردن متشکل

بولیوردی. مدعی عمومی معاونی ادعای مافی تکراردن صوکره
ملا بکک عرخیالی قرائت اولندی. ملا بک بو عرخیالده مظلونلرک
مختلف مواقعه کنديسنى ذم ایلدکلرندن بختله ذمک موضوعی صورت
ناموسکارانده اثبات ایللرینی و عکسی تقدیرده مشارالیهما حقارنده
احکام قانونیه نك تطبیقنی و دارالایتامه عاڈ اولمق اوزره الی بیک لیرا
ضرر معنوی حکم اولمسی طلب ایلدیکی آکلاشیلدی. رئیس محاکمه
دعوانک تشریحی ملا بکدن طلب ایتسی اوزرینه ملا بک بلا فاصله
بر بچق ساعت ذمک شکلنی و صورت تحدثی ایضاح ایلله بروجه آتی
مدافعه حقوقه دوام ایلدی :

ذم ؛ مأموریتی کویا سوءاستعمال ایدهرک ارتکاب ایلدیکیسه دائر
سابق شیخ الاسلام دری زاده و مالیه ناظر سابق رشاد بکله قره سعید
پاشا طرفندن وقوعه کلشدر. فقط عبدالله بکک حقنده اقامه دعوی
ایله محکمه جلبنه شنمدیلک لزوم کورمدم. بوده مقام مشیخته
بولمش اولسندن منبئدر. وعین زمانده شخصک هیچ بر قیمت
علمیه مالک اولماسی و بر مکتبدن مأذون اولدینی کی اوزرنده
اصلا برخواجه حق بولنماسی حبیلله بوذات طرفندن تفوه اولنه جق
سوزلرک ماهیتی هرکسجه معلومدر قره سعید پاشایه کلنجه بو ذاتی
اولجه طانیمدیم کی بحریه نظارتنه تعینندن صکرهده مسلکلمزک
عدم تناسبی حبیلله طانیمدن چکیندم و حالاده طانیق ایسته م. کنديسی
ای بر آدم اوله بیلیر. فقط انورک امری و ویردیکی پاره ایله
ویانهیه کوندریله رک حرب زمانی انور نامنه ویانهده خدمت ایدن بر
ذات ایله اختلاط ایتک و بویله بر ذات ایله وکلایق خاطری ایچون
دوستلق تأسیسنه قالمق شخصاً سوءمیه جکم احوالنددر. رشاد بک
ایسه وکلا مساکنه کلد کدنصکره عدلیه مستشارلنی مقامنه کلدیکی
برکون طانیدم. بونلرله اولان مناسبتم بوندن عبارت اولدینی حالده

قره سید پاشا بفره قضاسی داخلنده آلا جاملی بر محکومک عفوینه توسط ایتمک ایچون کویا رشوت طلب ایلدیکمی وایتام اداره سنه اهمیتسز برخانه می ترهین ایدرک کویا بیکلرجه لیرا آلدیغمی وشو صورتلرله مأموریتمی سوء استعمال ایلدیکمی باب عالیده وشمندوفرلرده فعل ذمی اختیار ایشدر. رساد بک ایسه آلتون دعواسنه عائد برایشده رشوت آلدیغمی و محکمه تمیز حاکمترینه جبرومداخله ایدرک آلتون مسئله سی لهنه قرار استحصال ایلدیکمی مختلف محالرده سویلیه رک علیهمده ذمیانہ جرأت ایتمشدر.

رئیس — آلتون مسئله سی نه در؟

ملا بک — بونلرک هپسینی ایضاح ایدرجمک یالکیز علیهمده وقوعه کلن بوذمیات عجبا بر قناعت می مستددر؟ وهر حالده — واثقی نه در؟ بو جهتک اول امرده ایضاحی ایجاب ایدر. رئیس بک افندی بوذوات ایله قناعت سیاسیله رمزک عدم توافقیدرکه کندیلرینک علیهمده حرکتنه سببیت ویردی. بونک ایچون مساعده بیوریرسه کز سابق عدلیه ناظر وکیل فیخرالدین بک مقام نظارتہ کلدیکی زمان کندیسنه ویردیکم بر استدعای عیناً قرائت ایدرجمک. ملا بک بونک اوزرینه عدلیه نظارتی وکالته ویردیکی بروجه آتی محرر عنینحالی عیناً قرائت ایتدی:

«عدلیه مستشارلغنی قبول ایدرک قناعت سیاسیله دائره سنده حکومت حاضرہ ایله تشریک مساعی ایلدیکم زمان حکومتک قوای ملیه علیهداری اولدیغنی کورمش ونشر ایدیلن خط همايون ایله بیاننامه لز؛ حکومتک بووادیده برمسلك تعقیب ایلیه جکی ظنی حصوله کتیره رک مملکتتمزک سعادت وسلامتی تأمین ایدرجمک اولان بو طریقده هر صورتله قابینه نک موفقیتنی تأمینہ حصر مساعی ایشدم. آنجق صدراعظم پاشا حضر تلرینک پاریسه عنیمتلرینی متعاقب وکلای کرام بربانقه یه ایکی میلیون لیرا استفاده

تأمین ایدن شرکت خیریه مسئله‌سی وینه بالنتیجه بانقہ‌یه تعلق ایدن آلتون دعوائی ایشلری ، ویرسفاژن وکمرور خصوصاتی ، بعض امتیازات تفرعاتی ، تولیت و خان‌الناسی مسائل ایلہ فضلہ‌جه توغل ایدہ رک روم ایللی و بالآخرہ آناتولی حرکاتک دلائل قاطعہ‌یه اقتراں ایدہ جک برسوننده ترویجی و قناعت‌جه وطنک ضرر و خطرینی مؤدی اولہ بیلہ جک اقوال و افعالک و شمعی ایضا خندہ دولت‌جه مضرت کوردیکم بعض حرکات مهمہ‌نک اختیاری ؛ هیئت وکلانک تحویل مسالک ایلدکلرینی ویا خط همايون ایلہ مؤید اولان قابینه پروغرامنه صداقلری آنحق ذات‌سامی صدرتپناہینک حضور و وجودیلہ قائم اولدیغنی کوسترمکده اولدیغندن شیخ الاسلامک تحت ریاستندہ تشکل ایدن اشبو هیئت وکلا ایلہ توحید مساعی ؛ وجوہلہ قناعت سیاسیہ‌مه توافق ایدہ میہ جکی کورولمش ایسده مأموریتک ایکنجی درجہ‌ده بولمنی وعدلیہ ناظری رشدی افندی حضرتلرینک ناموسکارانه بر متانتلہ قابینه پروغرامنه صادق بولمش اولسی حسیلہ قناعت و مسلکمی اصلا تعدیل ایتمکسزین ایفای وظیفہ‌ده محذور تصور ایدلہ مشدی .

فقط قناعتلرینک تغیرندن و هیئت وکلانک مشغول اولدقلری خصوصات آنقہ‌یه حسب‌الحیہ بعض فعلیات و حرکاتمه تردیفاً سبق ایدن اعتراضاتک خصوصات و مسائل مذکورہ‌نی اشکال ایدہ جک برماہیت المسنہ سببیت ویرمسندن متولد براغبرار ایلہ هیئت وکلادن بعضیلری ناظر مشارالہ و بعض ذواتہ امور مأمورده می سوء استعمال ایلدیکمه وارتکابمه دائر بعض تفوہاتہ جرأت ایتملردر . بلکه باشقلری انور طرفندن ویانہ‌یه اعزام ایدیلوب انورک پارہ‌سیلہ اورادہ اجرا آندہ بولنہ بیلہ جکی و مملکتندہ برسیای حمیت و ناموس اولوب بوکبی احوال مؤلہ‌نی اولجہ کشف ایدہ رک من‌القدیم انکلز سیاستی تعقیب ایدن کامل پاشا مرحومی از میرده ترصدہ و آنک اشبو سیاست وطنپرورانه‌سی

ازالایه مأمور بولنسی و دیکترینک اعضاسی بولندینی مجلسده رشوت طریقله آلاینی پاره لری اعلان مشروطیتی متعاقب شیخ الاسلام مغفور جمال الدین افندی مرحومک دلالتیله اعاده یه مجبور قالسی کی دولت وملت حساب ویرمهک مجبور اولدقلری مسائلدن چکینمیه رک اک معنا خدمات دولتی قبولده تردد ایتیه یوب خدمات مذکوردهده بالخاصه شو زمانده انواع ارتکابات ورزائی اجرادن استتکاف ایلملری وارد خاطر اوله بیلیر . لکن عاجز لری نه اولجه ونهده بالآخره بوکیلرله هم حال اوله میه جفم جهته آلفالعرض علیهمده بولسان ایکی ناظر حقنده ذم دعواسی اقامه ایلمکه واسنادلرینی صورت ناموسکاراندهده اثباته دعوت ایتمه قرار ویردم . اخیرآده عدلیه ناظری رشدی افندی حضرتلرینک استغفارلری اوزرینه نظارت وکالتنه تعیین اولسان ذات عالیلرینک قناعت سیاسیدلرینی تحلیل ایله اشتراک مساعی قابل اولوب اوله میه جفنی تعییندن مقدم کندی ناموس وعفتنی تقدیر ایدن بالجمله مأمورینک یاپه جفنی وجهله الیوم قابینهده تشریک مساعی اولنان رفقای عالیلرینک علیهمده کی اسناداتی تدقیق وامور مأموره می سوء استعمال ایلیه جک حرکاتده بولنوب بولندیغیمک کمال سرعتله تحقیق اولنمنسی استدعایه وبو خصوصده صورت قطعیهده اصراره لزوم کوریورم . بوجه عرض و بیان براقچ میلیون لیرالق مسائلده بالکنز سکوت عاجزانم ایچون غایت مهم منافع شخصییه تأمین ایتیمک قابل اولایله جکنی مسئلهیه واقف بعض رجال مهمه نک پک کوزل تقدیر ایلدکلرینی وبناء علیه وظیفه می سؤاستعمال ایتیمکسزین سکوتمله تأمین منافع قابل ایکن بوکایله تنزل ایتدیکم برامراشکار اولدینی حالده وظیفه مأموریتی قاریشدیره رق بویله برداشته تنزل ایتیه جکیمک ارباب عقل ووجدان طرفندن تسلیم اولندینی کورمکه برابر حقیقتک رسماً توضحنی طلب ایتیمکده برحق صریحیم اولدینی لطفاً تقدیر بیوریلیر .

تمنى عاجزانهم وجهله ايضا ايديله جك اولان اشبو تحقيقاتك تأثير
عاجزانهم آلتده اجرا اولنه جنى ظننه محل پيراقامق وذاتاً ايكي سنده نبرى
غوائل وانديشه وطن ايله بيتاب اولان فكر ووجودمك استراحتنى
تأمين ايدم بيلمك اوزره مأمورينك سنده برآي ماذونيتلري حقندم
جارى اولان قانونه توفيقاً شمدليك برآي ماذونيتمه مساعدده بيورلمسنى
رجا واستدعا ايلرم .

كوربورسكزكه بونلر بنم قساعت سياسيه مه هجوم ايدبورلردى .
فقط بو ايكي ناظرلك مملكتته اولان خدمتلى ايله بنم حياتى استصغار
ايدم رك سبق ايدن خدماتم آراسنده كي فرق بك عظيمدر . نته كيم كچن
سنة شونك بونك هجومى نظردقته آلمه رق غزنامه وه وقوعه كلن اجتهاداتم
ومملكتكم تخليصى ايچون كوسترديكم چارملر اوزرينه احبابندن پاره
آلديغى سويليه جك قدر بسيط فكر ليلر؛ شمدى ده اورمانكى مطالعاتمك
نه قدر دور انديشانه اولديغى تقدير ايدبورلر ، دهاده ايدم جكلردر .
بن اوزمان عليهمده كي هجومه ذره قدر اهميت ويرمديكم كچي بو
ناظرلرك ده ذمياني هر درلو قيمتن آزاده در . فقط ارباب ناموس
كندى حقنى آنجق محكمه لرده محافظه ايدم جكنى بو مملكت خلقنه
كوسترمك ايچون دركه بودعوايى بحق اقامه ايله بو افنديلرك بندن نه
ايستدكلرينى مواجهه عامه ده صورمقايسترم . رئيس بك افندى ، بونك
ايچون اولآتون مسئله نى ايضاح ايلكلكمه مساعدده ايديكز .

آتون مسئله سى صورت ظاهرده ايكي شخص آره سنده جريان
ايدن بر دعوا دن عبارتدر . يعنى بر شخص قبل الحرب آتون اوله رق
اقراض ايلديكي بر پاره يى شمدى آتون اولمق اوزره طلب ايدبور
وبودعوى صاحبي ده مستشارلغه تعيينمندن چوق اول بك اوغلى
بدایت محكمه سنده دعوا سنى اتفاق آرا ايله قازانديغى كچي استيناف
محكمه سنده حكام موجوده مزك الك مقتدرلرندن بولنان احسان بكك

ریاست ایستدیکي بر زماندهده عین صورته فازانیور صکره محکمه تمیز
 حقوق دائرہ سی نقض ایدیور فقط عین استثنای محکمه سی رای
 سابقده اصرا ایدیور بونک اوزرینه ایش محکمه تمیز هیئت عمومی سه
 کلیور اوصدده مستشارلغه مأموریت اجرا ایدیلیور . شمدی تصور
 ایدیکنز . اوچ مختلف محاکمه قزانان بر دعواده ہم نفوذمله حکم
 ویرلایکنی ادعا ایتک محکمه تمیز حکامنی بدلاجه تحقیر ایتکدن باشقه
 برشیدر ؟ یالکنز ہم بوایشده بر نقطه نظرم وارد روده اموال
 ایتامی ، یتیمک حقوقی محافظه ایتک ؛ قبل الحرب اقراض اولنان
 یوز بیکلرجه آلتونلر ؛ شمدی کاغد پاره ایله اطفاسا اولدرسه یتیمک
 مغدور اولزمی ؟ الله قورقوسی بسبتون اورتدن قالدیمی ؟ ایتام
 اداره سنک بو خصوصده ویردیکي بر مذکره نی محکمه تمیزه حواله
 ایتدم . وبعض غزته حیلرده حقیقتی ایضاحه لزوم کوردیم . چونکه مالیه
 ناظری رشاد بک ؛ محکمه تمیزه بر تذکره کوندرمنس ومحکمه تمیز
 حکامنک اجتهادلرینی قانون دائرہ سه ارجاع ایتلرینی نو عما امرایلدیکده
 بولمنش ایدی . ومالیه ناظری بو تذکره سنده شاید محکمه تمیز هیئت
 عمومی سی آلتونه آلتون ویرمسی اساسی قبول ایدرسه مالیه دخی
 تکمیل دیوناتی آلتون اوله رق ویرمک مجبوریتنه قاله جقدر . دیور
 ومالیه نک حقوقی محافظه بو تذکره نی یازدیغنی ایلری سوریبوردی .
 حالبوکه توحید مسکوکات قانوننک یدنجی ماده سنده . ایله نظارتی بو
 تکلیفدن استثنای ایلشدی . مالیه نک ؛ آلتون بورجلرینی بیله اوراق
 تقدیه ایله ویرمسی حکم قانون ایجابندن ایدی . او حالده مالیه نظارتنک
 مقصدی نه ایدی ؟ بونی بیلمم . فقط بر آزا اول ایضاح ایستدیکم وجهله
 بودعوانک برده ایچ یوزی واردی . بودده بر بانه مسئله سیدر . وقیله
 مالیه نظارتنک آلتونلری بر بانه ده بولندیغی وعین زمانده اهلیمزکده
 بتون آلتونلری ینه او بانه نک عائله صندوقده واصله لرنده بولهرق

برقاج ميلیون آلتون اوبانقه ده محفوظ و مودوع بولنديفی بر صروده جاويدك ؛ بردنيزه موراتوريوم اعلان ايتدی . بوكونكى اسپه كولا .
 --- سئونلرك استاسنى تشكيل ايدن اوموراتوزيومى اوراق نقديه قانونى تعقيب ايتدی . اكر محكمه تميز قرارى سرعى اولورسه وبانقه ماليه عائد اولان آلتونلرى ده ، خلقه عائد بولان آلتونلرى ده اعاده به مجبور اوله جقدى .

تشكر ايدرم كه شيخ الاسلام افندى ايله رشاد بك بنى بوبانقه نك حقوقنى مدافعه ايدن طرفه كوسترميورلر ، دولتى ، ملتى مدافعه ايدن موقعه بيراقيورلر . شو حالده ديكر طرفك مدافعى وضعيتنى كنديلرى اكتساب ايتمش بولنيورلر بوندن باشقه سابق شيخ الاسلام افدينك ايشده شخصه تعلق ايدن بر مسئله ده وار . اوده اجدادندن هيچ كيمسه نك متولىسى اولمدينى قاضيه سكر عبدالقادر افندى وقفنى النه كچيره رك توليتنى درعهده ايللرى حسيله مقام مشيخته قعودلرينى متعاقب اوقاف نظارتنده چوريان حركاتدر . بو وقفك يكي پوسته خانه قارشوسنده لااقل بش يوز بيك ليرالق بر مسجد محلى موجوددر . بالطبع بو محل اجاره واحده ليدر . حال بوكه اوراده و قيله اوقاف نظارتنى طرفندن برقاج بيك آلتون مقابله قسيده جى زاده لردن استملاك اولان اجارئينلى بر مغازه زمينى اوراق نقديه اوزرندن شيخ الاسلام درى زاده افندى كندى توليته مال ايتك ايته يور ، چونكه اوزرينه خان انشا اولنه دق متولىسى اولان مشاراليه درى زاده افندى به حسب التويه سنوى آلتمش بيك ليرا ايراد تأمين اولنه جق . ايش شوراي اوقافه حواله اولنيور شوراي اوقاف آلتون فرقنى دوشونمده دن اول او محلك بوكونكى اجاره مثليه سنى نظر دقه آليور صكره اوقافك استملاك حقنى قبول ايتمكه برابر بو حقك متوليله ده بخش اولنوب اولمديغى دوشونيور نهايت مسئله يى شوراي دولته

حواله ایتدیرمک صورتیه ایشیک ایچندن چیقمنغه باقیور . حالبوکه شیخ الاسلام دری زاده افندی بر آن اول خان یادیرمق دردیه مشغول . شورای اوقافک قراری بر طرفه بر اقیلوب دواثر وقفیه دن برندن بر مذکره آله رق ناظر طرفندن بر موجدنجه اشارتیه مسئله حل ایدیلیور . [۱]

شمدی سابق شیخ الاسلام افندی آلتون مسئله سی آرزوسی وجهله حل اولتورسه بوایشن قورتیه جغنی تحیل ایدیور . حالبوکه او یرک کندینه قالمی مشروع ایسه مال ایندیندیکی زمانکی قیمت مثلیه سی آرانیه جغه داترا اولان مسئله شرعی بی بالطبع بیله مدیکندن بو خصوصده اصرار ایدوب طور یور . فقط نتیجه ده محکمه تمیز هیئت عمومی سی آلتونه قارشی آلتون ویریه جکنه قرار ویرنجه بو آدمیر کمال دهشتله کندی موقع سیاسی لرینی و وطنه اولان خدمتی اصلا نظر دفته آلمق سزین بکا هجوم ایدیور لر . ایشه بومیانده دکر سز بر خانه می رهن ایدم رک اموال ایتمدن بیکلرجه لیرا آلدیغی سویلیور لر . حالبوکه ایتم و دفتر خاقانی قیدیله کوریلیر که خانم رهن ده دکلدر . مستشار اولدقدن صوکره ایتمدن اصلا استقراضده بولندم . یالکیز والده مک باغلر باشی جاده سنده ۴۸ بیک آرشون بریری واردی که بوراسی درت تخمن طرفندن اسولا تخمین ایدیلیور و فضله اوله رق تحصیل شعبه سندن یدی سنه اول وضع اولنان ویرکو قیمتی کتیر بله رک بوقیمت ایله متناسب

[۱] محکمه ده علناً سوبنیلین و مطبوعات ستونلرینه عکس ایدن بو مهم

مسئله ، یا شیخ الاسلام سابق دری زاده عبدالله افندی حضرتلری طرفندن ویا بولسز (موجدنجه) یازلدینی درمیان اولنان ناظر اوقاف جانبندن ویا خود مسئله نك تعلق ایلدیکی اوقاف نظارتندن در حال تکذیب ویا توضیح ایدمک لازمدی . متعدد نسخه لرده فریاد واین ایندیکم مسئله لر کی بوده مسکوت عنه قالدی . صولر آقا یور چشمه لر وجامه لر خراب و تزیینات مملکت معو اولیور . تاریخی و مهم اوراق کونا کون چوریور . لایق میدر ؟ والله وجدانی بر صورتده سویلمکه اوقاف اسلامیه کی حقوق ملت و معالی اسلامیه تعلق ایدن وظائف قدسیه ده اگر بو حاله حالا دوام ایده جکسه کاشکی جناب حق روحی قبض اینسه ده انسانلک هیچ بر نقطه سنه یاقیشمیان بو مؤسف حاللری آراتق کورمه م . کویا که درین کنبه دوازیکی نیست

بر تخمین پاپیلوب اصولی دائره‌سندہ تجدید دین معاملہ سی یاپیلدی .
والدمك ایتام دائره‌سندہ سکر سندن بری حسابانی واردی .

الا خام ایشنه کلنجه بواشی ، التزام ایدن بالذات قره سعید
باشادر . قره سعید پاشا بر محکومک عرضحالنی آلہرق مقام صدارتہ
تقدیم ایدوب غموینه توسط ایدیور صدارتہده عرضحالی اصولاً
عدلیہ یه کوندیریور بزده بو عفوک قابل اوله مبه جغنی مقصلاً مقام صدارتہ
یازوب عرضحالی اتاده ایدیورز . بوراده نه سورنه ہم پاره طلب
ایتدیکم موضوع بحث اوله بیایر . ایتامک در تیوز اون بیک لیراسنی
استحصال ایتک ایچون مالیه نظارتی علیهنه بر دعوی اقامه ایتک ظنجه
بر وجیه در چونکه بو خصوصده ارباب اختصاص ایله جریان ایدن
مذاکره نتیجه‌سندہ بو دعوائی قازانق همان بر امر محقق اولدینی
آکلاشیلدی . مالیه نظارتک ، شهرامانتک مهم دعوالرده خارجدن
وکیل طوتدینی کبی بزده بارو رئیس ثانسی ایله بارویه داخل اولان
بر ذاتک وکالتی مناسب کوردک . فقط مخاضات قساملغنک اذن شرعیسی
اولورسه بومعامله‌نک اجراسی واجرتک تعیینی موافق اوله جغنی سویلدم .
فی الحقیقه قساملغجه مختلف ذواتک وظنسه قالیرسه بعض وکیللرک
افاده‌سی استماع ایدیله‌رک بودعوانک ایتام حقنده انفع اولدینغه قناعت
حاصل ایدیلدی و اوجهته دعوانک تعقیبنه اذن شرعی صادر اولدی ،
ایشک کیزلی و مغایر قانون هیچ بر نقطه‌سی یوقدر حالبوکه بارو انتخابندن
دولایی بودعوایه توکیل ایدیلن بارو رئیس ثانسی ایله آرامزده نقطه
نظر اختلافی ده وارددرکه بوجهت شورای دولته حل ایدیلیور . فقط
بو اختلاف ؛ بو ذاتک اقتدارندن استفاده ایتک کمنزه مانع اوله ماز .
هرکس کوره جکدرکه بودعوی بحق قازانیله جقدر .

رئیس بک افندی اکر بو ذواتک افاده‌سی وجهله ہم ارتکاب
ایتک ککم لازم کاسه بوکی خسیس خصوصاتدن دکل ؛ بالعکس سکوتمله (۱)

(۱) بزده تعقیب بما که بی براقوب سکوت ایتدیکز . فقط بوندن دولایی
سزی تعقیبه اصلاً حفر یوقدر . مردهانه حمیت و حسن خدمت مملکت آنجق
یوقدر اولور .

بونی تأمین ایدردم . شرکت خیریه مسئله سی آلتی کونده تکمیل
معامله سی ایضا اوانه رق اکمال ایدلشدی . بوضورتله ینه برانقه برحق
میلیون لیرا تأمین ایدیوردی . بومسئله ؛ وظیفه مه تعلق ایتدیکی حالدده
مختلف وسائطله بونک وجوده کلمه مسنه شخصاً چالیشدم و سکوت
ایتمدم و جناب حقدده ارزومه موافق بر نتیجه ویدی ، صدراعظم
پاشا حضر تلمرنک غیوبتلرندن بالاستفاده یابیلاں شیلردن بریده بو
ایدی . مناز بک دها بعض تشریحاتده بولندقدانصکره . ساعتدن فضله
مدافعاتده بولندیغنی و بناء علیه مضامین یورولدیغنی و تشریحات منبایه سی
ایچون کندیسنه مهلت ویرلمنی ایستدی .

بونک اوزرینه بحریه ناظر اسبقی سعید پاشا استجواب اولندی .
سعید پاشا — ملا بکی شمیدی یه قدر کوروب طانیدم و حقنده
سویلدیکم شی وظیفه مه تعلق ایدر .

رئیس — سویلدیککن شی نه اولدیغنی آکلایه لم که وظیفه کیزه
تعلق ایدوب ایتدیکی تدقیق اولنسور .

بواثناده سعید پاشا وکیلی سعدالدین فرید بکه خطاباً نه سویلمی
لازم کله جکنی سؤال ایتدی . سعدالدین فرید بک ده محکمه یه جواب
ویرمی لزومی افهام ایتدی .

سعید پاشا — شیخ الاسلام مصطفی صبری افندی حضرت تلمریله
قونیله زین العابدین افندی حضرت تلمری بکا خبر کوندرمشله . بافرده
برقاتلک عفوینی ایستیورلردی . عرض حالنی کوندردیلر . بنده صدراعظم
پاشایه ویردم . صدراعظم پاشا عدلیه ناظرینه ویرمش . عدلیه ده عفو
اولتمنی مناسب کورمدی . ناظر برکاغدی بکا اعاده ایتدی . بنده
کندیلرینه ویردم . بالآخره ینه مصطفی صبری افندی ایله زین العابدین
افندی خبر کوندرمشله . عدلیه مستشارینه اوچ بیک لیرا ویریلیرسه
بو اینس اوله جتمش . بنده پاره ویرمسونلر دیدم و مجلس وکلانده بو
ایشدن بحث ایتدم . سویلدیکم بودر .

— صبری وزیر العابدین افندیلر حضراتندن سزه بوخبری کتیره ن
کیمیدی؟

— پولیس قومیسر لرندن عبداللطیف افندی اسمنده بر ذات .
بوکا امنیت ایتدم .

سعید ملا بك — تشکر اولنور که پاشا منبع کوسـ زدی مصطفی
صبری وزیر العابدین افندیلر حضراتی میدانده در والیرینی وجدانلرینه
قویارلر سه نیم بو مملکته نه صورتیه چالیشدیغمی سویله بیلر لر . بو ذواتدن
سؤال اولنور سه کوریه جکدر که قطعاً بویله برشی سویله مشر و کندیسنه
بو صورتیه بر خبر کوندرمه مشر در . بویالان ؛ یا عبداللطیف افندی ده
یا خود پاشاده قاله جقدر . اصل شایان دقت اولان جهتی بر پولیس
قومیسرینک افاده مجردمی اوزرینه بر عدلیه مستشاری حقنده قطعیت
درجه سنده اسناداته قالمیسی در . تصور اولنور می که عدلیه بوایش
حقنده اولماز دیدیکی و بر بافره قائممقامی اولدیره ن آدمک عفو ایدلمی
عدالتیه ، دولتک شرفی ایله غیر قابل توفیق اوله جغنی رسماً یازدیغی
حالده اوچ بش کون صوکره ینه اوشخصک عفو یخه دلالت ایتسون .
خصوصیه بنده کنر شخصاً اسکی شهر قاتلنک مطلقاً جزا دیده اولمی
حقنده اصرار ایلدیکم و رضا پاشا قابینه سی زماننده کیمسه بو قاتلک اسمنی
لسانه آلامازکن بو خصوصیه بتون موجودیتله اورتیه آتیلدیغ حالده
شیمدی بافره قائممقامی اولدیره ن عین فسیله دن بر آدمک عفو یخه موافقت
ایتمک لکم ایچون محنون اولماقم ایجاب ایدر . (۱)

[۱] سالنامه علمیته نک «تاریخچه مشیخت» فی یازان بومورخ عاجز ، مصطفی
صبری افندی حضرتلرینک هویت مسلکته واقف دکل ایسه ده مجلس اعیان اعضای
محترمه سندن قونیه لی زن العابدین افندی حضرتلری مفخر الموحدین شیخ محمد
قدسی بوزقیری حضرتلرینک نجل نجیبی و علم و عرفان اربابنک پسندیده و حبیبی
اولان بر فاضل حیتمند اولدیغندن سعید ملا بك افندی حضرتلرینک بیان
بیوردقیری وجهله ایشده بر یاکلشلق اولمی آزاده اشتباه ایسه ده سکوت ایله
انظار عامه ده مظنونیت وجدانیه آلتنده قالمق ایچون تکذیب و یا ایضاح
مسئله بیورملرینی کوکل آرزو ایدردی . عموم غنیه لری تعقیب ایدمه مدیکم جهته
احتمالکه کوره مامشم .

بونك اوزرينه رئيس محكمه رشاد بكي استجواب ايلدى .
بن ملا بك حقنده بويله برسوز سويله مدم وار تكابني ده ايشيتمدم .
اساساً بنم بويولده سوز سويله بكم تربيه مله قابل توفيق دكلدر آتون .
مسئله سي فني بر ايشدر بوراده بو ايضاحه لزوم كورم شركت خيره .
ايشي ده دولتجه اتخاذا اولنان برتيدر : شايد بن ملا بك عزلي طلب
ايتمش ايسم وظيفه داخنده جريان ايتمشدر . بناء عليه بو وظيفه مه
نعلق ايدر .

سعيد منلا بك — — ماليه ناظري بك افدينك بوافاده سني
رضيه مقامنده تلقى ايدرم و دعوانك تشريحات متباقيه سنده بو خصوصه كي
مطالعه مي ده عرض ايدرم . كنديسي ناموسكارانه جواب ويردى .
بوني تقدير ايدرم . يالكز شو نقطه نك ده بيلنمسي آرزو ايدرم كه ماليه
ناظري و ديكر ناظر حقنده اقامه ايلديكم دعوى قطعياً عزلي ايتدكلرندن
دولايي دكلدر . بوكون بنم و كالتله تأمين ايده جكم معيشت ، عدليه
مستشار لغنده تأمين ايده جكم معاشندن ده چوق يوكسكدر . . نته كيم بتون
وكيل ارقداشلم بيليرلر كه حريده وداها اول اتحاد و ترقى حكومتى
ايله اصلاً مناسبتم اولديغى حالده حمد اولسون و كالتله بك مرفه بر حيات
كچير يورددم .

سعدالدين فريد بك — اساسه كيريشيلمه دن اول مساعده بيوريليرسه
وظيفه حقنده بعض افاداتده بولمق ايستم .

رئيس — سويليكنز

سعدالدين فريد بك — مستشار بكك بو صورتله اقامه دعوا ايتمسي
شايدان تقدير در هر مأمور كنديسنه تجاوز اولنديغى زمان كنديسنى
مدافعه ايده جك واسطه نك آنجق قانون اولديغى بيله رك احقاق حق
ايچون محكمه يه مراجعت ايدرسه او مأمورلر تقدير اولنور بونك ايچون
عدليه مستشارينك ده بويله يابمسي اقتضا ايدردى . يالكز مؤكلارم

اساساً کندی بلرینی ذم ایتمش دکلردر . جریان ایدن بعض احوال وارسه اوده مؤکالرمک مأموریتلری ایجابیه مستشار بک حقنده اتخاذا یلدکلری حرکتدر . قانون اساسینک اوتوز اوچنچی بایه سنده «مأموریتلریدن خارج وصف ذاتلرینه عاندهم نوع دعاوبده وکلانک سائر افراد عثمانیه دن فرقی یوقدر . بومثللو خصوصاتک محاکمسی ناند اولایتی محاکم عمومیه ده اجرا اولور » دینیور . — حالده مؤکالرم مأموریتلری ایجابیه برحرکتده بولمشلردر ساید بوحرکتلرنده موجب جزا برحال وارسه محاکملری دیوان عالییه عاندر .

رئیس — عدلیه نظارتی مأموریتنه عاند اولان مسائله دیگر ناظرلر وظیفه اعتباریه نه درجهیه قدر قاریشیرلر و بویه بر مسئله باب عالیده رسماً موضوع بحث اولشمیدر ؟

سعدالدین فرید بک — تبهه سز اقدام مؤکالرمک افاده سنه نظراً بومشئه صورت رسمیه ده جریان ایتمش و اصولی دائره سنده بر مضبطه یاپیلوب عرض اولمشددر .

رئیس — خارجده کی افاده لری حقنده نه دیه چکسکنر ؟

سعدالدین فرید بک — خارجده بویه بر افاده ده بولندقلرینی بیلیمیورم . مع مافیه بوکبی مسائلده فعل دکل فاعل نظر دفته آلیر . برمشئه اساسک رؤیتی بشقه محکمهیه عاندا یکن فرعک دیگر بر محکمهیه تابع اولسی قبول ایدیله من .

سعيد ملا بک — محترم سعدالدین فرید بک ده تقدیر ایدرلر کسرد ایلدکلری نظریه قابل تطبیق دکلدر و اولسی ده آسایش مملکتی اخلاص ایدر . اولاً باب عالی ده بومضبطه ترتیب ایدلمش دکلدر و باب عالیده جریان ایدن بو افاده لر، بر مذاکره رسمیه صیه سنده دکل آیری آیری کوریشدکلری زمان وقوعه کلشددر . دیتک وکلادن اولان بر ذات ؛ شمندوفرلرده، خارجیه مستشارینک اوطه سنده شوراده بوراده ایتدیکنه سب و شتم

ایده جک یاخود ذمیانده بولنه جق ، صو کرا ذم اولنان آدم ، سعدالدین
فرید بکک تقدیر ایتدیکی کبی ناموس و حیثیتی طانیه رق محکمه یه مراجعت
ایدرسه « بن وکلادن ایدم حسب المأموریه سویلدم، دیوب ایشی وجودی
اولیان دیوان عالی به براقه جق . بو طیبی اوله ماز. اوزمان هر کس کندی
حقق بالذات استیفایه قالفار که ایشه بوحال ؛ مملکتک آسایشی اخلال
ایدر . مع مافیه دعوامک متباقی نشر یختانده بوجهتری ده عرض وایضاح
ایده جکم بناء علیه محاکمه نک یوم آخره تعلیقنی طلب ورجا ایدرم .
مدعی عمومی طلب واقعک موافق قانون اولدیفنی سویلدی و بالذاکره
یوم محاکمه آغستوسک اون طقوزنجی پنجشنبه کوننه تعلیق اولندی .

دیاربکرلی سعید پاشا مرحومک خمسی

سن اوصاندرمه ایلی ایلده اوصاندرمن سنی
حیله کاراق ایله کیسه دولاندرمن سنی
دست اعدادن صوغوق صو ایچمه قاندرمن سنی
قورقه دشمندن که آتش اولسه یاندرمن سنی
مستقیم اول حضرت الله اوتاندرمن سنی
هپ کچر عالمده هیچ برحاله یوقدر سکون
ذوقه باق دکمز تأسف اینمکه دنیای دون
استقامت شره اعدادن سنی ایلمر مصون
حق ایدر ارباب صدق خصمنی البت زبون
مستقیم اول حضرت الله اوتاندرمن سنی
خلق آراسنده عداوت سوء ظنندنر بتون
اختلال ملکیت عالم فتندنر بتون
اولدرندن بیلمه جرمی صوچ اولندنر بتون
نه قتالقی کورسه که ایلمدن صاعه سندنر بتون